

**Amir Purić**  
Zastupnik u Predstavničkom domu  
Parlamenta Federacije Bosne i Hercegovine

**Admir Čavalić**  
Zastupnik u Predstavničkom domu  
Parlamenta Federacije Bosne i Hercegovine

Sarajevo, 25.5.2023. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

B-4

Priljeno: 25-05-2023			
Org. jed.	Broj	Priloga	Vrijednost
01	-02-	1618	123

**Dostaviti:**  
Bosna i Hercegovina  
Federacija Bosna i Hercegovina  
Parlament Federacije BiH  
Predstavnički dom  
n/r Predsjedavajuća gđa. Mirjana Marinković-Lepić

**Uputiti:**  
Vlada Federacije Bosne i Hercegovine

**PREDMET: PRIJEDLOG ZAKONA O IZMJENI ZAKONA O IZBORU, PRESTANKU MANDATA, OPOZIVU I ZAMJENI NAČELNIKA OPĆINA U FEDERACIJI BOSNE I HERCEGOVINE**


Poštovani,

Na osnovu člana 179, a u vezi sa članom 163. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", broj 69/07, 2/08 i 26/20), kao ovlašteni predlagач dostavljam radi razmatranja i usvajanja **Prijedlog zakon o izmjeni Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine.**

S poštovanjem,



Amir Purić



Admir Čavalić, zastupnik u Predstavničkom domu Parlamenta FBiH, SbiH

PRIJEDLOG

**PRIJEDLOG ZAKONA O IZMJENI ZAKONA O IZBORU,  
PRESTANKU MANDATA, OPOZIVU I ZAMJENI NAČELNIKA  
U FEDERACIJI BOSNE I HERCEGOVINE**

**Sarajevo, maj 2023.**

**PRIJEDLOG ZAKONA O IZMJENI ZAKONA O IZBORU,  
PRESTANKU MANDATA, OPOZIVU I ZAMJENI NAČELNIKA  
U FEDERACIJI BOSNE I HERCEGOVINE**

**Član 1.**

U Zakonu o izboru, prestanku mandata, opozivu i zamjeni načelnika općina u Federaciji Bosne i Hercegovine ("Službene novine Federacije Bosne i Hercegovine", broj 19/08), član 4. mijenja se i glasi:

**“Član 4.  
(Izbor načelnika)**

Načelnika biraju građani na neposrednim i tajnim izborima na području općine upisani u Centralni birački spisak u toj općini.

Za načelnika je izabran kandidat koji na izborima dobije više od polovine važećih glasova birača koji su glasali.

Ukoliko nijedan kandidat ne dobije više od polovine važećih glasova birača koji su glasali, održava se drugi izborni krug za 14 dana.

Dva kandidata koja su u prvom krugu dobila najveći broj glasova učestvuju u drugom izbornom krugu.

U slučaju da neki od kandidata iz stava (4) ovog člana odustane od izbora, pravo da učestvuje u drugom izbornom krugu stiče kandidat koji je sljedeći po broju dobijenih glasova u prvom izbornom krugu.

U drugom izbornom krugu izabran je kandidat koji je dobio veći broj glasova.

Ako u drugom izbornom krugu uslijed odustajanja drugih kandidata ostane samo jedan kandidat, taj kandidat se smatra izabranim.

Ukoliko u drugom izbornom krugu oba kandidata dobiju jednak broj glasova, glasanje između ta dva kandidata se ponavlja za 7 dana.

Ako prilikom ponovljenog glasanja oba kandidata dobiju jednak broj glasova, izborni postupak će se ponoviti u cijelosti.

Izuzetno od stavova (1) do (9) ovog člana, ako se Izbornim zakonom BiH propiše uspostava preferencijalnog glasanja, odnosno instant drugog kruga glasanja, izbor načelnika obaviti će se u skladu sa takvim odredbama.

Mandat načelnika traje četiri godine i vezan je za mandat saziva općinskog vijeća.

Mandat načelnika izabranog na prijevremenim izborima teče do redovnog isteka mandata općinskog vijeća.“

**Član 2.**  
**(Stupanje na snagu)**

Ovaj Zakon stupa na snagu osmog dana od dana objavljivanja u "Službenim novinama Federacije Bosne i Hercegovine".



**OBRAZLOŽENJE PRIJEDLOGA ZAKONA O IZMJENI ZAKONA  
O IZBORU, PRESTANKU MANDATA, OPOZIVU I ZAMJENI NAČELNIKA  
OPĆINA U FEDERACIJI BOSNE I HERCEGOVINE**

**I – USTAVNI OSNOV**

Ustavni osnov za donošenje ovog Zakona sadržan je u odredbama člana IV. A. 5. 20. (1) k) Ustava Federacije Bosne i Hercegovine kojim je propisano da je Parlament Federacije Bosne i Hercegovine nadležan za vršenje drugih nadležnosti koje su mu povjerene.

**II – RAZLOZI ZA DONOŠENJE OVOG ZAKONA**

Razlog za donošenje ovog zakona jeste omogućavanje potrebnih uslova za izbor načelnika kroz mogućnost dvokružnog izbora čime bi se povećao uticaj građana u izbornom procesu.

**III – OBRAZLOŽENJE PREDLOŽENIH MJERA**

Član 1. – Definiše se proces izbora načelnika u dva izborna kruga.

Član 2. – Utvrđuje se datum stupanja na snagu Zakona.

**IV - PRINCIPI NA KOJIMA JE PRIJEDLOG ZAKONA ZASNOVAN**

Ovaj prijedlog zakona je zasnovan na principima pravičnosti i transparentnosti.

**V – FINANSIJSKA SREDSTVA**

Za potrebe implementacije ovog Zakona shodno Izbornom zakonu neće biti potrebno osigurati dodatna finansijska sredstva sa nivoa FBiH. Izborni zakon propisuje da lokalne izbore finansira budžet institucija Bosne i Hercegovine i međunarodnih obaveza Bosne i Hercegovine, kao i budžet općina. Za potrebe prethodnih lokalnih izbora bilo je potrebno obezbjediti oko 9 miliona konvertibilnih maraka (KM). Moguće je očekivati povećanje datog iznosa shodno mogućnosti održavanja drugog kruga izbora u određenim općinama i gradovima. Međutim, ovaj iznos bi trebao biti minimalan iz razloga što se to odnosi samo na entitet FBiH i samo na slučajeve općina gdje ima potrebe za drugim krugom izbora. U oba slučaja, teret finansiranja ide na državni i nivo jedinica lokalne samouprave.

## Pisarnica Parlamenta FBiH

---

**From:** Ured.Tajnika  
**Sent:** 25. maj 2023 13:05  
**To:** Pisarnica Parlamenta FBiH  
**Subject:** FW: Jezičko usklađivanje  
**Attachments:** PRIJEDLOG ZAKONA O IZMJENI ZAKONA O IZBORU, PRESTANKU MANDATA, OPOZIVU I ZAMJENI NAČELNIKA OPĆINA U FBiH.docx

**From:** Amir Purić  
**Sent:** Thursday, May 25, 2023 1:03 PM  
**To:** Edita Martinovic <[Edita.Martinovic@parlamentfbih.gov.ba](mailto:Edita.Martinovic@parlamentfbih.gov.ba)>  
**Cc:** Ured.Tajnika <[Ured.Tajnika@parlamentfbih.gov.ba](mailto:Ured.Tajnika@parlamentfbih.gov.ba)>  
**Subject:** Jezičko usklađivanje

Poštovana/i,

Molim vas da izvršite prevod/jezičko usklađivanje teksta zakona kojeg šaljem u prilogu, a kako bi bile ispoštovane odredbe člana 253. Poslovnika doma kod upućivanja zakona u proceduru.

S poštovanjem,

---

**Amir Purić**  
*Naša stranka*  
*Zastupnik u PD Parlamenta FBiH*